

PACCARIELLE

Cóla Paccariélle, fatiatóre rinómate, è canusciute pe tutta la zona pe na particolarità: Quanne va a caccia au pošte ‘é cercà la sélvaggina va a la cerca de noce, mènnule, fiche, uva, méle, pére, prune e chi chiù ne sa, chiù ne métte. Ce štésse na vóta ca turnanne a la casa ‘n s’arretire che sacchétte e tascapane vacante.

Quanne fu, l’autajére me pare, Cóla ze reteratte a la casa che na bèlla sórprésa. Adduserate...

‘A la parte ‘é Mascione štèa nu cuntarine che facèa l’uorte e curava pure nu sacche ‘e arbure da frutte. ‘Štu pover’óme però ogni tante veréva che mò le mancave u laccetiélle, mò le spegiatiélle, mo la jéta, mo u piére ‘é ‘nzalata, mò le pésche, mò le méle, insomma z’éva štancate de farze frecà.

Tutta ‘ssa sparetoria ‘é grazia ‘é Dije accaréva sèmpe vèrte miézejuorne o vèrte la séra appéna facèa scure.

U povere crištiane ze lamentava che le vicine: Nne me spiéghe chi me vé’ a frecà la rrobba, vište ca štènghe quasce tutte le juorne ‘n campagna, ricèa isse.

Mò na séra truannese a parlà che n’amiche suo’, quisse le ricètte: Vire ca rént’a la campagna to’ haje vište caccijà a nu ciérte Cóla Paccariélle, quisse è une ca poche le piace la fatija e usa arrangiarze pe campà.

‘Štu cuntarine dice: ah chéssa c’è, e mò ce pènze i’, u facce i’ a veré che le cumbine.

Nu juorne vére ‘a luntane a ‘štu Cóla che cacciave e, vèrte miézejuorne, fa finta de turnarzene a la massaria che štéa ‘a n’auta parte, però a u poste ‘é irzene a la massaria ze ne torna quatte quatte e ze va a ‘nnasconne rént’a nu campe de grannerinie, addò già avèa nnascuóste u buènte.

Quanne vére a ‘štu Cola che prima fa finte de scégljerze cacché ficura, doppe nu poche vére ca caccia na bušta e ce ‘ncumènza a métte le ficura réntre. Doppe ze ne va cchiù réntre a la vigna e coglie ddù raspe ‘é uva muscatélle, che putèane fa miézechile l’une.

A ‘štu povere cuntarine le ncumenzatte a sagli la štizza ‘ncape... e allora z’avvecina ‘é cchiù da la parte ‘é Cóla, sèmpe quatte quatte, c’u buènte ‘ncuolle.

Cóla nen cuntiènte, passa vicine a le melune e ze fréca pure nu melunciélle.

Quanne u cuntarine èsce fore c’u bbuènte ‘mmane e fa: Ah, t’haj’ ‘cchiappate brutte mariuole, assassine...tu sciè quille che me fa sparì la rrobba, frutte d’u suore de la vita mija!

T’haja spaccà la cape, assassine! Arape juste mò ‘ssa bušta e ‘ssu tascapane!

Mò Cóla ze vulèa defènne ricènne ca làrrènte ce tenèa la merènna, ma quille, u cuntarine, u avèa vište che merènna c’éva misse rént’a u tascapane. U acchiappate e le ricètte: pajeme juste mò tutta la robba ca te sciè pigliate da quanne z’è apèrta la caccia fine a mò, sènnò te spacche la cape e ‘nte fa chiù veré a ‘šte parte, ca la prossema vota te facce acchiappà da le carbuniére.

Ma nn’è funite u fatte, adduserate... Datese ca Cóla tenèa sulle diécemila lire ‘ncuolle, u cuntarine ze facètte lassà l’orologge, la féde e na catenina d’ór che ce l’éva rialate la mogliéra prime ‘é spusarze, dicènne quanne è štaséra me puorte chill’ aute e quarantamila lire e t’arrènne la robba to’.

Quanne z’arreteratte a la casa Cóla avètte pure rà cunte a la mogliéra che z’accurgètte ca nen tenèa la féde, ma sapètte métte la scusa: le dicètte ca z’éva rotta la motociclèta e l’avuta lassà ‘mpégne a u méccaneche.

E accusì a la séra l'avuta purtà le solde Còla. Ma che tutte chéssa u vizie 'é arrubbà n' z'u luatte, ma avèta cagnà terretorie 'é caccia , pecchè a la via 'è Mascione ze ru ivene mparate tutte quante e cumme u verévene, u secutavene frischiannele appriésse.